

BOSNA I HERCEGOVINA
FEDERACIJA BOSNE I HERCEGOVINE
GRAD LUKAVAC
GRADONAČELNIK
SLUŽBA ZA INVESTICIJE I RAZVOJ

Broj: 06-04-756/26
Lukavac, 28.05.2026. godine

Na osnovu člana 69. stav (3) Zakona o javnim nabavkama („Sl. glasnik BiH“, broj: 39/14, 59/22 i 50/24), a u otvorenom postupku nabavke usluga „ODRŽAVANJE PLATFORME ZA MJERENJE KVALITETA VAZDUHA“, Pomoćnik Gradonačelnika Službe za investicije i razvoj donosi

ODLUKU
o otkazivanju postupka javne nabavke

Član 1.

Otkazuje se postupak javne nabavke usluga „ODRŽAVANJE PLATFORME ZA MJERENJE KVALITETA VAZDUHA" shodno članu 69. stav (3) Zakona o javnim nabavkama („Sl. glasnik BiH“, broj: 39/14, 59/22 i 50/24), zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Služba za investicije i razvoj Grada Lukavac je Odlukom o pokretanju postupka javne nabavke broj: 06-02-741/26 od 11.03.2026. godine pokrenula otvoreni postupak nabavke usluga ODRŽAVANJE PLATFORME ZA MJERENJE KVALITETA VAZDUHA. Procjenjena vrijednost javne nabavke bez PDV-a iznosila je 6.300,00 KM.

Obavještenje o nabavci broj: 719-1-2-34-3-64/26 objavljeno je na Portalu javnih nabavki dana 12.03.2026. godine.

Komisija za provođenje postupka nabavke imenovana Rješenjem o imenovanju Komisije za provođenje postupka javne nabavke broj: 02-04-771/26 od 13.03.2026. godine, dostavila je Pomoćniku Gradonačelnika Službe za investicije i razvoj Zapisnik o pregledu i ocjeni ponuda broj: 06-04-756/26 od 15.04.2026. godine, Preporuku o izboru najpovoljnijeg ponuđača broj: 06-04-756/26 od 15.04.2026. godine i Izvještaj o radu broj: 06-04-756/26 od 15.04.2026. godine.

U postupku po Izvještaju o radu Komisije utvrđeno je da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena ukupno 1 (jedna) ponuda;
- da nije bilo neblagovremeno zaprimljenih ponuda;
- da je ponuda ponuđača DIRIGENT ACOUSTICS D.O.O. BEOGRAD, SRBIJA kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način;

Ponuđač DIRIGENT ACOUSTICS D.O.O. BEOGRAD, SRBIJA je kao prvorangirani i jedini ponuđač, obaviješten o rezultatu postupka javne nabavke te pozvan da dostavi originale ili ovjerene kopije dokumentacije iz člana 45. i 46. Zakona o javnim nabavkama u roku od 7 (sedam) dana od dana prijema Odluke o izboru najpovoljnijeg ponuđača, što je isti i učinio.

U međuvremenu, DIRIGENT ACOUSTICS D.O.O. BEOGRAD, SRBIJA je dana 11.05.2026. godine Obavijestio ugovorni organ da usljed nepredviđenih okolnosti i faktora na koje nisu mogli uticati nisu u mogućnosti obezbjediti poreskog punomoćnika sa sjedištem u BiH radi izvršenja uplate poreza na dodatu vrijednost (PDV), a što je propisano članom 60. Zakona o porezu na dodatu vrijednost BiH i zahtijevano Tenderskom dokumentacijom.

Uzimajući u obzir naprijed navedeno, riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalitelj je obavezan dostaviti original dokaz o plaćenju naknadi za pokretanje žalbenog postupka, ovjeren od strane banke, sa pozivom na broj protokola tenderske dokumentacije na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac, Služba za investicije i razvoj, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

POMOĆNIK GRADONAČELNIKA

Lejla Hodžić, dipl.ing. građ.

Dostaviti:

1. DIRIGENT ACOUSTICS D.O.O. BEOGRAD, SRBIJA
2. Arhivi.